



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XL.

urn:nbn:de:hbz:466:1-11453

VLricus autē Halberstadensis ea tempestate impatiēs, zelo ductus antiquae perturbationis, multa duci intentauit incommoda. Excursiones crebra de Halberstadio, deq; praesidio Horeborg, in terram duci fiebant. Dux diū dissimulans, iram collegit: Demum coacta magna suorum manu, misit vt excurrentibus obui fierent. Non longē ab vrbe Halberstadio conuenerunt, praelium instauratur: Sustinetur aliquandū pari virtute. Sed tum Halberstadenses cessere, fugamq; intentarunt in vrbe. Sequuti hostes, cum fugientibus penē instarent, portas cum ingredientibus & ipsi turmatim ingrediuntur. Capta ciuitas per incuriam, alioqui munitissima, porta cetera clausa, hostes in medio: tantotibore, vt ciuibus nihil superesset. Absconderunt ignem ciues, & extinxerunt: nec multū diligenter ab hoste quaesitus est: Praeda instant diligentius. Ciuēs nō ad arma, sed latibula respexere: Inuentus est ignis a quopā, & incensa casella, fouit ventus incendium: Exusta est magna parte ciuitas, & processit flamma ad ecclesiam primam, in quam clerus & populus, tanquā in tutissimum asylum confugere. Incensa est, exusta est insignis illa basilica, cum omni sacrario, vestium, auri, & argenti, cum clero, & populo miseranda clade, sine exemplo. Res lachrymis digna, & quae terrorem ingeminat diuini super nos iudicii: terribilis in consilijs super filios hominum. Episcopus ipse in sua domo repertus, igne circumfusus, tenens reliquias sancti Stephani ad sui tutelam, captus, abductus cum Remaro praeposito cognato suo. Victores cum praeda & captiuis plurimis redeunt Brunswicum. Dux alacrior de suorum victoria, deq; captiuis: vbi audiuit ecclesiam exustam, cum clero & populo, ingemuit.

gemit: multa in bello accidere reputans, quæ victoribus ipsis non placeant. Sed quis sciens compri-
met Martem? Vbi vidit adductum cygneo capite pontificem, & reliquias sancti Stephani, quasi in triumpho adductas, fuscataq; de incendio, demisso vultu, lachrymas dedit, humanarum rerum mutationem mente pertractans. Misit episcopum in Erteneborg in liberam custodiam, prapositum in Zegeberg. Domina verò Mathildis pietatis viscera laxauit in captiuum pontificem, honorabat in illo summum sacerdotem Christum, vestibis satis bonis procurans all euare captiuitatis incommodum. Inde vbi dux in Luneburgum descendit, iussit adesse episcopum: increpatumque de multis in se molitionibus, liberum abire permisit, amicitiamque colere monuit. Ille autem vbi in Hugesborg applicuit, senio accessisse sentit incommoda curarum ac carceris, infirmatusque intra paucos dies reddidit spiritum. Interea milites illius de arce Horeborg non temperarunt ab incursionibus in terram ducis: Ille autem preparatis in oppugnationem rebus, arcem euertit & solo æquauit.

CAPVT XLI.

Interea verò Bernhardus de Anehold ducatum Saxonie solo adhuc titulo tenuit: nam Henricus domina peregit. Archiepiscopus autem Coloniensis ducatum Westphalie non dimisit: nec vnquam redijt in ditionem Henrici. Proximo autem vere, dux expeditionem fecit in Thuringiam, & incendio vastauit urbem Northusen: Cui occurrit Ludouicus prouincialis comes cum multitudine magna: commissumq; est prælum inter eos, & fugati sunt Thuringi: & captus est Ludouicus cū Hermannō fratre, comite Palatino. Reuersus est in Brunsvicum victor cum opima prada. Adhuc enim prospera fuere.